

YÜNGA NGÜ 37

1. Kpara ta te ba wu gina kicikpa te di agbu kicikpa ka me de Biblia ne ta ne de da?

-Ade Moses.

2. Moses wu ta wu ngu te engu ena aba ta neh baye?

-Me mgbu ta amala wu ngu te engu le de wuh ba ta maye.

3. Kpara ta te gu tamu kaje fu wu Israel agbu ngara su ta neh de da?

-Me eti ta fu uwu engegira nu maye.

4. Me enu ta de wu Israel neh kaye?

-Me enu ta de wu Israel agbu Canaan, to ta te engu mala ngungu fu wu kundu wu Abraham.

5. Te wu Mose koro ta ede Canaan ne e ta te me mala ga Moses mere ta neh de neh?

-Me mala ta ga Moses siya wu kpara gbu wu nguwa de njukpa de fuye 'bosu la biringbo, biringbo 'buru de wuh nu acika to ma'da la.

6. Wu komoko ta de njukpa ne le ta ari agbu Canaan ta de ne ka neh?

-wu kpe ta curu ka wu cogboro wu kpara ta te uwu emgbu kpala ne.

-Wu komoko de njukpa la wu ta de ga me de wazi teka aza esaka wu kpara ta te wu emgbu agbu Canaan ne de.

-Wu komoko de njukpa la je ta ngu ta te me ga ni na ato to la fu wu Israel ne de.

7. Wu Caleb ake Joshua le ta teka ari agbu Canaan ne ka neh?

-Wu Caleb ake Joshua kpe ta curu wu cogboro ta te uwu emgbu gbu Canaan ne de.

-Wu Caleb ake Joshua wu ta kpo ga me de wazi teka azo ka wu Canaan la.

-Wu Caleb ake Joshua wu ta kpo ga me ena ato to ka Canaan fu wu Israel baka ta te engu mala ne.

8. Te ni le ngu ka me de la ni i me de da?

-Ga amuru wu

9. Ka eta te wu Israel le me de ne, kpara tate ena ari agbu Canaan ta neh bu de da:

-Bu wu Caleb, Joshua de wu jeji ka wu Israel.

10. Ka eta te wu Israel le ngu ka me de ne, me to ta mbusa fu uwu ta neh baye?

-Wuh ti ta ari agbu Canaan de.

-Wuh na ta akpi anja 'buru agbu ngara su ka siki.

-Ka eta te wu Israel le ngu ka me de ne, wuh ri ta agbu Canaan de wuh ndoro bu edede agbu ngara su ka siki la.

-Te wu Israel koro ta gbu kadesh ne, ngu ta esaka uwu eyi ma.

-Mu fi ga wu Israel mere ta ne neh?

Ni Tanga La Tanga e 20:1-5

1-Gbu gina fe, fu wu Israel ta akoro 'buru ngara su ka siki ka zui fu uwu ta amgbu agbu kadesh.

2-Ngu ta fu uwu eyi ma fu wu kpara la ta abiti te uwu amgbu asiti iri wuh Moses ake Aaron.

3-Wuh zinga ta de wuh Moses fu uwu amala ga "te ni kpi ta gbu lo ra ta te wu eng a ni a kpi engegira me la!

4-Yi koro de wu kpara ka me sene ne tengu neh?

5-Yi koro de ni agbu Egypt gbu siti su ne neh le ngu neh? Ayo gbugbu ma, wu ri ru kpa ma ngu ka manjo sene kpa ma ne!"

-Ta te ngu di fu wu Israel ma ne, wuh wu ta eyi ga me ena a to ngu fu ani?

-Abala de.

-Wu Israel mere ta ne neh?

-Wu siti ta iri wuh Moses ake Aaron.

-De wu h Israel ena amere ta ne baye ta te ngu esaka uwu ma ne?

-De wuh na yi ta ta me de engu to ngu fu ani.

-Gugu ta me to ta ngu fu uwu agu da.

-Wu Israel yi ta ta me de engu to ngu fu ani ta de neh ka neh?

-ka ete wu le ta ngu ka me nda uwu de ne.

-Eletikini, bi wu kpara baka wu Israel la.

-Baka te me eto ago de mbomu ga dine, bi wu kpara le la ngungu fi bu de.

-Wu Moses ake Aaron mere ta baye ta te ngu ma ne?

Ni Tanga La Tanga e 20:6

6-Fu wu Moses ake Aaron ta ace wu kpara ta te wu biti te uwu ne, fu uwu anu eningiti ka kambu ka biti te ne, fu uwu ati uwu koto de gbu rawu koto fu wazi ka me ta a koro ye fu uwu.

-Wu Moses ake Aaron le ta me.

-Wu Moses ake Aaron yi ta ta me de engu to ngu fu ani.

-Wu Moses ake Aaron ti ta eyi ato ngu fu wu Israel?

-Abala de.

-Abala de ne kane?

-Ka eta te wu di agbu ngara su ka siki ne.

-Te me to ta ngu fu wu Israel de la, de e tate ena amere ne neh?

-De wu Israel kpi eyi 'buru.

-Me to ta ngu eyi fu wu Israel?

Ni Tanga La Tanga e 20:7-8

7-Fu me amala fu Moses ga,

8-“mu za ru de mu de enga nimu Aaron biti wu kpara la ‘buru. Mu mala ngu fu da la engegira wu ana atoko ngu akoro. Mu na akoro de ngu fu wu kpara la de uwu de wu nu ka uwu njo.”

-Ka ete me la wu Israel ne, fa ta ato ngu fu uwu.

-Me mala ta gu Moses ga amere neh de ngu koro ne?

-Me mala ta ga Moses romo fu da la.

-Ta gugu me mala ta fu Moses ga a mi da fu ngu akoro.

-Dene me mala fu Moses ga aro mo fu da la.

-Moses mere ta ne neh?

Ni Tanga la Tanga e 20:9-11

9-Fu Moses ta aza ru la engegi me fa amere dibu baka ta te me mala fefe ne.

10-Fu wu Moses ake Aaron ta abiti wu kpara la ‘buru ede da la, fu Moses amala fu uwu ga, “yi gbu da neh?”

11-Fu Moses a bi kpaye kpatikpi fa ami da la du ‘bosu de ru kaye. Fu ngu akoro gbugbu, fu wu kpara la de wu nu ka uwu ta anjo.

-Moses ro ta mo eyi fu da la?

-Abala de.

-Moses mere ta ne neh?

-A mi ta da la du ‘bosu.

-Moses mi ta de la ne tengu neh?

-Ka ete magumana nju ta ekute wu Israel ne.

-Moses je ta ngu ka me eyi?

-Abala de.

-Enga me mala ta fu wu Moses ake Aaron ga neh?

Ni Tanga La Tanga e 20:12

12-Fu me ta amala fu wu Moses ake Aaron ga, “ka ete yi wu wazi ra deka a o ra njila gbu ja wu Israel de ne, yi ti akoro de wu kpara la agbu to te ma to fu uwu ne de.”

-Te wu Moses ake Aaron ro ta mofu da la de wu mi a mi ne me mere ta sitingu eyi de uwu?

-Weyi.

-Me mere ta de wu moses ake Aaron ne neh?

-Me mala fu uwu ga wu ti ari gbu to ka Canaan de.

-Ta te Aaron le eyi akpi ne, fu me ta amala fu Moses ga aza Aaron anu de engu fu da de gbameri bane.

Ni Tanga La Tanga e 20:23-25 & 28

23-Fu da ka Hor, ede Edom , fu me amal fu wu Moses ake Aaron ga,

24-“wu Aaron en biti te uwu de wu kpara kay. Ati ari gbu to te malto fu wu Israel ne de, ka ete yi je ngu kara teka ngu ka meribah ne.

25-Mu za wu Aaron ake engage eleazar de mu nu de uwu fu da ka Hor.”

28-Fu Moses a gbi bongo ka Aaron fa a to ekute enganga Eleazar. Fu Aaron ta akpi ye fu da kpala. Fu wu Moses ake Eleazar ta ako akoro fu da la.

-Aaron kpe ta fu da kpala.

-Aaron ri ta eyi gbu to ka Canaan?

-Abala de.

- Abala de neh ka neh?

-Ka eta te aaron je ngu ka me de ne.

-Me mere ta eyi baka ta te engu mala ne?

-Weyi.

-Me emgbu mere wu e 'buru te engu emala.

-Kpara ta te za su ka Aaron baka mere Pastor ta neh de da?

-Ye Aaron, Eleazar.

-Gbu gara lo ra fu wu Israel ta kpa asiti komu wu.

Ni Tanga La Tanga e 21:4-5

4-Wu Israel nu ta agbu da ka Hor te kaje ka diki ngu fu uwu anu ede Edom. Fu maguma wu kpara ta anju tekaje;

5-Fu uwu ta asiti iri me ake iri Moses de ama la ga, “yi koro de a agbu Egypt de ni kpi gbu ngara su ne sene taka neh? Ambata sene ma! Ngu kpa ma! Ni le siti emazu la de!”

-Fu tanga ta te me to ngu fu wu Israel ne, wu mgbu ta fi bu asiti komu wu.

-Ka eta te wu Israel mgbu ta la fi bu asiti komu wu ne e ta te me mere de uwu ne neh?

Ni Tanga la Tanga e 21:6

6-Fu me ta atima siti kpuru ezimgba uwu; fu uwu ta anima bi wu Israel amoro.

-Me tima ta wu kpuru ezingba wu Israel ne.

-Wu siti wu kpuru la ta te wu su 'buru.

-Wu kpuru la nima ta bi wu Israel la fu uwu akpi.

-Sitingu baka kpuru neh baye?

-Bu baka ta te kpuru nima wu Israel fu uwu akpi ne, sitingu ena a nima wu kpara fu uwu akpi.

-Wu Israel ti ta eyi akpe esak wu kpuru la?

-Abala de.

-Ata bala de ne ka neh?

-Ka eta te wu kpuru la ta te wu su 'buru ne.

-Ta me le amere e de wu kpara te wu le ngu ngu de ne, wuh ti akpe esaka ka de.

-Gbu ra ka Noah wu kpara ta te uwu di etamu ne ti ta eyi akpe esaka kpi?

-Abala de.

-Agbu Sodom ake Gomorrah, wu kpara ta te uwu di agbu to la ti ta eyi akpe?

-Abala de.

-Wara loto ta te cika kpe sidi ne ti ta eyi akpe agbu Sodom ake Gomorrah?

-Abala de.

-Te me le eyi amere e de wu kpara te uwu je ngu ka me de la, su te uwu ena akpe tete ma.

-Ta te bi wu Israel kpi ne du uwu la mere ta ne neh?

Ni Tanga La Tanga e 21:7

7-Fu wu kpara la ta akoro amala fu Moses ga, “Ni duru ta eyi ka ete ni mala ngu ekute mu de ekute me ne. Mu kugba de me za wu kuru la ezimgba ni asidi.” Fu Moses ta aku gba teka wu kpara la.

-Wu Israel wu ta wu sitingu ka uwu eyi?

-Weyi .

-Wu Israel la yi ta ta wu Moses ake me de wu le ngu te uwu?

-Weyi.

-Wu Israel la ti ta eyi a kuwa le uwu ka wu kpuru la?

-Abala de.

-Moses ti ta eyi a kuwa wu kpara la ka wu kpuru la?

-Abala de.

-Kpara ta te ti akuwa wu Israel ka wu kpuru la ta bu de da?

-Ade me.

-Me le ta ngu eyi fu wu Israel?

Ni Tanga La Tanga e 21:8-9a

8-Fu me ta amala fu Moses ga, “mu rteke kuru kpuru fu mu a o fu ru; Te kpuru nima kpara eyi la fa a cika fa akuwa ye.”

9a-Fu Moses ta areke kpuru gbu se fa a o fu ru.

-Me mala ta ga Moses mere ne taka akuwa wu Israel?

-Ga a reke kpuru se fa o fu ru.

-Te wu Israel le ta akuwa ka kpi la ale de wu mere neh?

-Wu cika kpuru de wuh o fu ru la.

Ni Tanga La Tanga e 21:9b

9b-Te kpuru nima kpara ta fa acika kpuru ka se te uwu o fu se la fa a kuwa ye.

-Wu Israel ta te uwu cika kpuru la kuwa ta eyi?

-Weyi.

-Te wu Israel la ku ta bu gba fu me wu cika kpuru la de la wu ti ta eyi akuwa?

-Abala de.

-Teka akuwa ate de wu Israel mere bu ngu ta te me mala fu uwu la.

-Teka de wu Israel kuwa, ale ta de wu nu bu te kaje ka me.

-Teka de wu Israel kuwa wu Israel cika ta bu kpuru te uwu o fu ru la.

-Kpuru de gbu se la ta de wazi teka akuwa wu Israel?

-Abala de.

-Kpara ta te di de wazi teka akuwa wu Israel ta ne bu de da?

-Ade me.

-Me kuwa ta wu Israel ta te uwu cika kpuru ta te uwu o fu ru la 'buru.

-Wu sitingu ka wu Israel koro ta de kpi?

-Weyi.

-Baka ta te wu sitingu ka wu Israel koro ta de kpi ne, eta te me mere ta fu wu kpara ta te uwu cika kpuru ta te uwu o fu ru la ne ne neh?

-Me kuwa ta uwu.